

From: Welcome Centre
Sent: 13 Januari 2016 16:12
To: UUM - All Staff; UUM - All Students
Subject: TARING TEKNOLOGI MAKLUMAT TERSERLAH ANTARA UIAM-UUMIT



13 JANUARI 2016 / 03 RABIULAKHIR 1436H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: H. Rasidah H. Rodzi
Gambar oleh: Anjung Tamu

TARING TEKNOLOGI MALUMAT TERSERLAH ANTARA UIAM-UUMIT



ANJUNG TAMU ONLINE: Dalam dunia yang serba pantas dan semakin mengecil ini, kita seringkali disogokkan dengan berita-berita sensasi sama ada ianya sebagai fakta ataupun persepsi semata-mata.

Dalam konteks ini, UUM Information Technology (UUMIT) tidak berpeluk tubuh malah telah lama menunjukkan taringnya dan terkini UUMIT mengeratkan kerjasama dengan Bahagian Teknologi Maklumat Universiti Islam Antarabangsa Malaysia (UIAM) yang berkunjung ke Welcome Centre baru-baru ini.

Bahkan, delegasi UIAM begitu teruja dengan inovasi yang dipamerkan semasa Discover UUM 2016 serta taklimat yang disampaikan.

“Welcome Centre ini sangat menarik, berinformasi tinggi dan cantik dari sudut pandangan mata”, kata Pegawai Sistem Maklumat Kanan UIAM selaku Ketua Delegasi, Mustakim Ahmad.

Tambahnya lagi, “Kami harapkan perkongsian maklumat ICT di kampus yang hijau dan tenang sempena Discover UUM dapat mengenalpasti inovasi terkini, isu dan langkah penyelesaian evolusi maklumat yang kian mencabar masa kini”.

Malahan, menyedari perubahan keperluan dunia serta permintaan pelanggan semakin hari semakin tinggi dan berbeza dari pelbagai aspek yang kompleks, mereka perlu memandang serius dan bertindak dengan pantas serta efektif.

Dalam pada itu, perlawanan bola sepak persahabatan di antara pakar-pakar IT UIAM dan UUM telah diadakan bagi mengimbangi faktor kecergasan minda dan kesihatan. Malah, pakar-pakar IT memerlukan ketahanan mental dan fizikal bagi berhadapan dengan teknologi dunia hari ini yang terlalu pesat dan cepat dengan perubahan.

Hadir sama, Ketua Unit Rangkaian dan Keselamatan UUMIT, Khalil Kusairi Hisam serta Penolong Pengarah, Faizul Mamat.

Terima Kasih dan tahniah ucapan diterima daripada pakar IT UIAM kepada UUM dan UUMIT sebelum beredar dari Welcome Centre.

=====

DARIPADA:
ANJUNG TAMU
UNIT KOMUNIKASI KORPORAT
CANSELORI
UNIVERSITI UTARA MALAYSIA (UUM)
TEL.: 04-928 3044/3050/3051/3098
FAKS: 04-928 3095
E-MEL: welcome_centre@uum.edu.my

